

# **Oifig Choimisinéir na dTeangacha Oifigiúla**

**RÁITIS AIRGEADAIS**

**don bhliain dar chríoch**

**31 Nollaig 2022**

## CLÁR

Tuairisc an Ard-Reachtair Cuntas agus Ciste ar na Ráitis Airgeadais	3
Ráiteas Rialachais	5
Ráiteas um Rialú Immheánach	8
Ráiteas Ioncaim agus Caiteachais agus Cúlchistí Ioncaim Coinnithe don bhliain dar chríoch an 31 Nollaig 2022	10
Ráiteas maidir le hIoncam Cuimsitheach don bhliain dar chríoch an 31 Nollaig 2022	11
Ráiteas ar Staid Airgeadais ar an 31 Nollaig 2022	12
Ráiteas ar Shreabhadh Airgid don bhliain dar chríoch an 31 Nollaig 2022	13
Nótaí a ghabhann leis na Ráitis Airgeadais	14



## Ard-Reachtair Cuntas agus Ciste

### Tuarascáil le cur faoi bhráid Thithe an Oireachtais Oifig Choimisinéir na dTeangacha Oifigiúla

#### Tuairim ar na ráitis airgeadais

Rinne mé iniúchadh ar ráitis airgeadais Oifig Choimisinéir na dTeangacha Oifigiúla don bhliain dar chríoch an 31 Nollaig 2022 mar a éilítear faoin dhara sceideal den Acht na dTeangacha Oifigiúla 2003. Tá na ráitis airgeadais comhdhéanta de

- ráiteas ioncaim agus caiteachas agus cúlchistí ioncaim coinnithe
- ráiteas maidir le hioncaim cuimsitheach
- ráiteas ar staid airgeadais
- ráiteas ar sreabhadh airgid, agus
- na nótaí gaolmhara, lena n-áirítear achoimre ar bheartais shuntasacha airgeadais.

Is é mo thuairim go dtugann na ráitis airgeadais léargas fíor agus cothrom ar shócmhainní, dliteanais agus staid airgeadais Oifig Choimisinéir na dTeangacha Oifigiúla amhail an 31 Nollaig 2022 agus ar a hioncam agus ar a caiteachas don bhliain 2022 de réir Chaighdeán Tuairiscithe Airgeadais (CTA) 102 — *An Caighdeán Tuairiscithe Airgeadais atá infheidhmithe sa Ríocht Aontaithe agus i bPoblacht na hÉireann.*

#### *An bonn atá leis an tuairim*

Rinne mé iniúchadh ar na ráitis airgeadais de réir na gCaighdeán Idirnáisiúnta maidir le hIniúcháireacht, arna fhógairt ag an Eagraíocht Idirnáisiúnta d'Ard-Institiúidí Iniúcháireachta. Déantar cur síos san aguisín atá leis an tuarascáil seo ar na freagrachtaí atá orm de réir na gcaighdeán sin. Táim neamhspleách ó Oifig Choimisinéir na dTeangacha Oifigiúla agus tá mo fhreagrachtaí eitiúla eile comhlíonta agam de réir na gcaighdeán.

Measaim go bhfuil an fhianaise iniúcháireachta atá aimsithe agam leordhóthanach agus ábhartha chun bonn a chur faoi mo thuairim.

#### Tuairisc ar fhaisnéis seachas na ráitis airgeadais, agus ar nithe eile

Tá faisnéis ar leith eile curtha i láthair ag Oifig Choimisinéir na dTeangacha Oifigiúla in éineacht leis na ráitis airgeadais. Tá an fhaisnéis sin comhdhéanta den ráiteas rialachais agus den ráiteas um rialú inmheánach. Tá cur síos san aguisín atá leis an tuarascáil seo ar na freagrachtaí atá orm tuairisciú i leith faisnéis den chineál sin agus ar ábhair ar leith eile lena dtuairiscim trí eisceacht.

Níl aon ní le tuairisciú agam i leith sin.

**Seamus Mac Cárthaigh**  
Ard-Reachtair Cuntas agus Ciste  
21 Nollaig 2023

## Aguisín don tuarascáil

### Freagrachtaí an Choimisinéir

Leagtar amach sa ráiteas rialachais na freagrachtaí atá ar an Choimisinéir Teanga. Tá an Coimisinéir freagrach as

- na ráitis airgeadais bliantúil a ullmhú ar an mbealach a fhorordaítear faoin dhara sceideal den Acht na dTeangacha Oifigiúla 2003
- a chinntiú go dtugann na ráitis léargas fíor agus cothrom de réir CTA 102
- rialtacht na n-idirbheart a chinntiú
- a mheas cibé an bhfuil úsáid as an mbonn cuntasaochta gnóthas leantach oiriúnach, agus
- rialú inmheánach a chinneann sé atá riachtanach d'fhonn ráitis airgeadais a ullmhú atá saor ó mhíráiteas ábhartha, cibé mar thoradh ar chalaouis nó earráid.

### Freagrachtaí an Ard-Reachtair Cuntas agus Ciste

Éilítear orm faoin dhara sceideal den Acht na dTeangacha Oifigiúla 2003 ráitis airgeadais Oifig Choimisinéir na dTeangacha Oifigiúla a iniúchadh agus tuairisc a thabhairt orthu chuig Títhe an Oireachtais.

An cuspóir atá agam le linn an iniúchta ná teacht ar dhearbhú réasúnach cibé an bhfuil na ráitis airgeadais tríd is tríd saor ó aon mhíráiteas ábhartha mar thoradh ar chalaouis nó earráid. Is ionann dearbhú réasúnach agus leibhéal ard dearbhaithe ach ní hionann é is barántas go dtiocfar i gcónaí, le linn iniúchadh a dtugtar faoi de réir na gCaighdeán Idirnáisiúnta maidir le hIniúchóireacht, ar mhíráitis ábhartha nuair is ann dóibh. D'fhéadfadh míráitis eascairt ó chalaouis nó ó earráid agus meastar iad a bheith ábhartha má tá ionchas réasúnach ann go n-imreoidh siad, astu féin nó le chéile, tionchar ar chinntí eacnamaíochta úsáideoirí a dhéantar bunaithe ar na ráitis airgeadais seo.

Mar chuid d'iniúchadh a sheoltar de réir na gCaighdeán Idirnáisiúnta maidir le hIniúchadh, cleachtaim breithiúnas gairmiúil agus sceipteachas gairmiúil i gcaitheamh an iniúchta. Is mé á dhéanamh sin,

- aithním na rioscaí atá ann i leith míráiteas ábhartha sna ráitis airgeadais cibé mar thoradh ar chalaouis nó earráid agus déanaim measúnú orthu; leagaim amach nósanna imeachta iniúchta mar fhreagra ar na rioscaí sin agus cuirim i bhfeidhm iad; agus tagaim ar fhianaise iniúchta atá leordhóthanach agus lomchuí chun bonn a chur faoi mo thuairim. Tá an riosca a bhaineann le gan míráiteas ábhartha ó chalaouis a bhrath níos airde ná ó earráid mar go bhféadfadh claonpháirteachas, brionnú, easnaimh d'aon turas, mífhaisnéis nó sárú ar rialú inmheánach a bheith i gceist le calaouis.
- Faighim tuiscint ar rialú inmheánach atá ábhartha don iniúchadh d'fhonn nósanna imeachta iniúchta a leagan amach atá ábhartha sna cúinsí atá i gceist, ach ní chun críocha tuairim a thabhairt ar éifeachtacht na rialuithe inmheánacha.
- Déanaim measúnú ar ábharthacht na mbeartas cuntasaochta agus a réasúnach is atá meastacháin chuntasaochta agus nochtuithe bainteacha.

- Socraím chomh oiriúnach is atá sé úsáid a bhaint as an mbonn cuntasaochta gnóthas leantach agus, bunaithe ar an bhfianaise iniúchóireachta a dtagam air, cibé an bhfuil neamhchinnteacht ábhartha ann maidir le himeachtaí nó coinníollacha a chaitheadh amhras suntasach ar chumas Oifig Choimisinéir na dTeangacha Oifigiúla Gaeilge leanúint mar ghnóthas leantach. Má shocraím go bhfuil mhichinnteacht ábhartha ann, éilítear orm aird a tharraingt i mo thuarascáil ar na nochtuithe bainteacha sna ráitis airgeadais nó, má tá nochtuithe den chineál sin neamhleordhóthanach, mo thuairim a leasú. Tá mo chonclúidí bunaithe ar an bhfianaise iniúchóireachta a dtángthas uirthi go dtí dáta mo thuarascála. D'fhéadfadh imeachtaí amach anseo stop a chur ar Oifig Choimisinéir na dTeangacha Oifigiúla leanúint mar ghnóthas leantach.
- Déanaim measúnú ar an gcur i láthair, struchtúr agus ábhar na ráiteas airgeadais tríd is tríd lena n-áirítear na nochtuithe agus cibé an léiríonn na ráitis airgeadais na hidirbhearta agus na himeachtaí bunúsacha ar bhealach a thugann léiriú cóir.

Chomh maith le nithe eile, cuirim scóip agus am an iniúchta in iúl dóibhsean atá freagrach as rialachas chomh maith le torthaí suntasacha iniúchta lena n-áirítear aon easnaimh mhóra sa chóras rialaithe inmheánaigh a aithním le linn m'iniúchta.

Tuairiscim trí eisceacht, más é mo thuairim,

- nach bhfaighim an fhaisnéis agus na mínithe go léir a theastaigh uaim chun m'iniúchadh a dhéanamh, nó
- cibé an raibh na taifid chuntasaochta leordhóthanach chun iniúchadh ceart a dhéanamh ar na ráitis airgeadais nó
- mura bhfuil na ráitis airgeadais ag teacht leis na taifid chuntasaochta.

#### Faisnéis eile seachas na ráitis airgeadais

Ní chuimsíonn mo thuairim ar na ráitis airgeadais an fhaisnéis eile a cuireadh i láthair in éineacht leis na ráitis sin agus ní thugaim aon dearbhú ar aon bhealach ina leith.

Maidir le m'iniúchadh ar na ráitis airgeadais, éilítear orm faoi na Caighdeán Idirnáisiúnta maidir le hIniúchadh an t-eolas eile a chuirtear i láthair a léamh agus lena linn sin a bhreithniú cibé an bhfuil an fhaisnéis eile ag teacht go hábhartha leis na ráitis airgeadais nó le heolas a fuarthas le linn an iniúchta nó más léir go bhfuil míráiteas ábhartha i gceist. Má shocraím, bunaithe ar an obair atá déanta agam, go bhfuil míráiteas ábhartha i gceist sa bhfaisnéis eile seo, éilítear orm tuairisciú ina leith sin.

#### Tuairisc ar nithe eile

Tugadh faoin iniúchadh de réir breithnithe speisialta a bhaineann le comhlachtaí Stáit i ndáil lena mbainistiú agus a bhfeidhmiú. Tuairiscim má fhaighim go bhfuil nithe ábhartha eile ann a bhaineann leis an tslí a ndéanadh gnó poiblí.

Lorgaim fianaise faoi rialtacht na n-idirbheart airgeadais le linn an iniúchta. Tuairiscim má thug m'iniúchadh aird ar aon chás ábhartha nár feidhmíodh suimeanna airgid chun na gcricoch a bhí beartaíthe, nó sa chás nach mbionn na hidirbhearta ag cloí leis na húdaráis a dhéanann rialú orthu.

# Oifig Choimisinéir na dTeangacha Oifigiúla

## Ráiteas Rialachais

### Rialachas

Oifig neamhspleách reachtúil í Oifig an Choimisinéara Teanga atá bunaithe faoi Acht na dTeangacha Oifigiúla, 2003. Tá an Coimisinéir Teanga ceaptha ag Uachtarán na hÉireann ar chomhairle an Rialtais tar éis rún a bheith rite ag gach Teach den Oireachtas ag moladh an cheapacháin. Níl aon bhord stiúrtha ag an Oifig.

Tá an Coimisinéir Teanga freagrach as a chinntiú go gcloíonn an Oifig le dea-chleachtais rialachais agus as na feidhmeanna atá sonraithe san Acht a chur i ngníomh. Réitíonn Oifig an Choimisinéara Teanga plean oibre bliantúil atá i gcomhréir lena Ráiteas Straitéise. Déantar athbhreithniú agus nuashonrú ar an bplean go rialta. Cinntíonn an Oifig chomh maith go bhfuil a cuid beartas corparáideach agus nósanna imeachta cothrom le dáta agus i gcomhréir le ciorcláin na Státseirbhíse.

Tá Coiste Iniúchta agus Riosca ag an Oifig. Tháinig an choiste le chéile trí huairé i rith na bliana.

### **Sceideal Freastail, Táillí agus Costais an Choiste Iniúcháireachta & Bainistíochta Riosca.**

Tá sceideal freastail an Choiste Iniúcháireachta agus Bainistíochta Riosca do chruinnithe 2022 leagtha amach thíos, le táillí agus costais a fuair gach ball san áireamh.

	<b>Coiste Iniúcháireachta agus Bainistíochta Riosca</b>	<b>Táillí €</b>	<b>Costais 2022 €</b>
<b>Líon na gCruinnithe</b>	<b>3</b>		
Séamas Ó Concheanainn	3		
Áine Nic Niallais (Cathaoirleach)	3	-	-
Micheál Ó Cinnéide	3	-	-
<b>Iomlán</b>		-	-

### **Freagrachtaí an Choimisinéara Teanga**

Éilíonn Alt 8 den Dara Sceideal d'Acht na dTeangacha Oifigiúla, 2003 go gcoimeádfadh an Coimisinéir Teanga i cibé foirm a cheadóidh an tAire Turasóireachta, Cultúir, Ealaíon, Gaeltachta, Spóirt agus Meán, na cuntais go léir is cuí agus is gnách ar an airgead go léir a gheobhaidh nó a chaithfidh sé agus na cuntais speisialta sin (más ann) a ordóidh an tAire.

Le linn na ráitis airgeadais a ullmhú, ceanglaítear ar an gCoimisinéir Teanga

- Beartais oiriúnacha chuntasaíochta a roghnú agus iad a chur i bhfeidhm go comhréireach ina dhiaidh sin
- Breithiúnais agus meastacháin atá réasúnach agus críonna a dhéanamh
- Na ráitis airgeadais a ullmhú ar bhonn gnóthais leantaigh mura rud é nach oiriúnach glacadh leis go leanfaidh sé de bheith ar marthain, agus
- Nochtadh a dhéanamh, agus míniú a thabhairt, i leith aon uair nach ndéantar de réir na gcaighdeán cuntasaíochta is infheidhme.

Tá an Coimisinéir Teanga freagrach as taifid chúí chuntasaíochta a choimeád ina nochtar go réasúnta cruinn, aon am, a staid airgeadais agus a chuirfidh ar a chumas deimhin a dhéanamh de go gcloíonn na

ráitis airgeadais le hAlt 8 den Dara Sceideal d’Acht na dTeangacha Oifigiúla, 2003. Tá an Coimisinéir Teanga freagrach as cothabháil agus as ionracas na faisnéise corparáidí agus airgeadais atá ar shuíomh gréasáin na hOifige.

Tá an Coimisinéir Teanga freagrach as faomhadh phlean bliantúil agus bhuiséad na hOifige. Déanann an Coimisinéir Teanga athbhreithniú rialta ar dhul chun cinn na hOifige trí thagairt a dhéanamh don phlean bliantúil agus do na cuntais bhainistíochta mhíosúla (lena n-áirítear comparáid leis an mbuiséad).

Tá an Coimisinéir Teanga freagrach as na sócmhainní a choimirciú agus as céimeanna a ghlacadh chun calaois agus mírialtachtaí eile a bhrath agus a sheachaint.

Tá an Coimisinéir Teanga den tuairim go dtugtar sna ráitis airgeadais léargas fíor agus cothrom ar fheidhmíocht airgeadais agus ar staid airgeadais na hOifige ag an 31 Nollaig 2022.

### **Nochtadh a Cheanglaítear sa Chód Cleachtais um Rialachas Comhlachtaí Stáit (2016)**

Tá an Coimisinéir Teanga freagrach as a chinntiú gur chomhlíon Oifig Choimisinéir na dTeangacha Oifigiúla riachtanais an Chóid Cleachtais um Rialachas Comhlachtaí Stáit (2016), a d’fhoilsigh an Roinn Caiteachais Phoiblí agus Athchóirithe i mí Lúnasa 2016. Ceanglaítear sa Chód an nochtadh seo a leanas a dhéanamh:

#### **Caiteachas Taistil agus Cothabhála**

	<b>2022</b>	<b>2021</b>
	<b>€</b>	<b>€</b>
Intíre	6,130	240
Idirnáisiúnta	<u>4,184</u>	<u>-</u>
<b>Iomlán</b>	<b><u>10,314</u></b>	<b><u>240</u></b>

#### **Caiteachas ar Fhálteachas**

	<b>2022</b>	<b>2021</b>
	<b>€</b>	<b>€</b>
Fálteachas don fhoireann	-	-
Fálteachas sheachtrach	<u>306</u>	<u>204</u>
<b>Iomlán</b>	<b><u>306</u></b>	<b><u>204</u></b>

#### **Costais Sainchomhairleoireachta**


Bhain caiteachas €49,322 (2021: €23,801) le táillí dlí agus proifisiúnta don bhliain 2022 i ndáil le comhlíonadh fheidhmeanna na hOifige, agus caiteachas €3,008 (2021: €150) le comhairle cuntasaíochta. Ní raibh aon chostas sainchomhairleoireachta eile i gceist don bhliain (2021: €0).

#### **Costais agus Socruithe Dlí**

Ní raibh aon chostais ná socrú dlí ann in 2022 (2021: €0).

**Ráiteas faoi Chúrsaí Géilliúlachta**

Ghlac Oifig Choimisinéir na dTeangacha Oifigiúla leis an gCód Cleachtais um Rialachas Comhlachtaí Stáit (2016) agus chuir sé nósanna imeachta i bhfeidhm lena chinntiú go gcomhlíontar an Cód. Bhí Oifig Choimisinéir na dTeangacha Oifigiúla géilliúil go hiomlán don Chód Cleachtais um Rialachas Comhlachtaí Stáit do 2022.



**Séamas Ó Concheanainn**  
**An Coimisinéir Teanga**

20/12/2023  
Dáta

# Oifig Choimisinéir na dTeangacha Oifigiúla

## Ráiteas um Rialú Inmheánach

---

### Scóip Freagrachtaí

Oifig bheag in aonad amháin is ea Oifig Choimisinéir na dTeangacha Oifigiúla. Tá ceithre dhuine dhéag ball foirne ceadaithe don Oifig, ar a n-áirítear an Coimisinéir Teanga agus trí dhuine dhéag státseirbhíseach. Is ormsa, mar Choimisinéir Teanga, a thiteann an fhreagracht a chinntiú go bhfuil córas éifeachtach in áit agus á chur i bhfeidhm maidir le rialú inmheánach. Tugann an fhreagracht seo aird ar riachtanais an Chóid Cleachtais um Rialachas Comhlachtaí Stáit (2016).

### An Cuspóir atá leis an gCóras Rialaithe Inmheánaigh

Tá an córas rialaithe inmheánaigh in ainm riosca a bhainistiú a d'fhágfadh an riosca ag leibhéal inseasta seachas a bheith in ann an riosca a chur ar neamhní ar fad. Is deimhniú réasúnach dá bhrí sin, seachas deimhniú iomlán, is féidir a thabhairt leis an gcóras go ndéantar na sócmhainní a chaomhnú, go ndéantar na hidirbhearta a údarú agus tuairisc chuí a choimeád orthu agus go ndéantar aon earráid nó mírialtacht ábhartha a chosc nó a thabhairt faoi deara go tráthúil.

Bhí an córas rialaithe inmheánaigh, a thagann leis an treoir a d'eisigh an Roinn Caiteachais Phoiblí, Seachadta ar an bPlean Forbartha Náisiúnta, agus Athchóirithe, i bhfeidhm ag Oifig Choimisinéir na dTeangacha Oifigiúla i rith na bliana dar chríoch an 31 Nollaig 2021 agus anall go dtí an dáta ar aontaíodh na ráitis airgeadais.

### Ábaltacht Riosca a Láimhseáil

Tá Coiste Iniúcháireachta agus Riosca (CIR) ag Oifig Choimisinéir na dTeangacha Oifigiúla ar a bhfuil ball sinsearach foirne agus beirt chomhaltaí sheachtracha a bhfuil saineolas ar chúrsaí airgeadais agus iniúcháireachta acu, ar duine díobh an Cathaoirleach. Bhí trí chruinniú ag CIR i rith na bliana 2022.

Cuireann cuntasóir cáilithe seirbhís iniúchta inmheánaigh ar fáil faoi réir conradh aontaithe. Bhí iniúchadh inmheánach ar siúl i rith na bliana 2022.

### Creatlach Riosca agus Rialaithe

Tá córas bainistíochta riosca i bhfeidhm ag Oifig Choimisinéir na dTeangacha Oifigiúla lena saináithnítear na príomhréimsí riosca ionas go dtugtar tuairisc orthu sin agus ar na bearta bainistíochta atá á ndéanamh chun teacht rompu agus, a oiread agus is féidir, an riosca a mhaolú.

Tá clár rioscaí curtha ar bun ar a sonraítear na príomhréimsí riosca atá roimh Oifig Choimisinéir na dTeangacha Oifigiúla agus déantar iad a shonrú, a mheas agus a rangú de réir a thromchúisí atá siad. Déanann CIR athbhreithniú agus uasdátú ar an gclár go bliantúil.

Tugtar mioneolas sa chlár rioscaí ar na bearta rialaithe agus na gníomhartha eile is gá chun ábhar riosca a mhaolú agus luaitear an dualgas maidir leis na bearta rialaithe a dhéanamh le baill foirne shonracha. Deimhním go bhfuil córas rialaithe ar bun agus gur gnéithe dá chuid iad seo a leanas:

- tá tuairisc i scríbhinn ar an nós imeachta maidir le gach ceann de na príomhphróisisí ghnó,
- tá cúraimí sonracha, agus an fhreagracht dá réir, maidir le cúrsaí airgeadais curtha i leith daoine faoi leith ar leibhéal na bainistíochta,
- tá córas buiséid ar bun lena mbaineann buiséad bliantúil a choinníonn daoine sinsearacha den lucht bainistíochta faoi athbhreithniú,



- tá córais ar bun a bhfuil d’aidhm leo iontaofacht na gcóras maidir leis an teicneolaíocht faisnéise agus cumarsáide a chinntiú,
- tá córais ar bun chun na sócmhainní a chaomhnú.

### **Monatóireacht agus Athbhreithniú Leanúnach**

Tá nós imeachta foirmiúil curtha ar bun maidir le monatóireacht a dhéanamh ar na próisis rialaithe agus cuirtear aon easnamh maidir le cúrsaí rialaithe in iúl don té atá freagrach as beart bisigh ina leith agus go luath tráthúil don lucht bainistíochta agus don Choimisinéir Teanga, nuair is cuí sin. Deimhním go bhfuil na córais mhonatóireachta leanúnacha seo a leanas ar bun:

- tá na príomhréimsí riosca agus na bearta rialaithe ina leith sin tugtha chun suntais agus próisis curtha ar bun chun monatóireacht a dhéanamh ar oibriú na mbearta rialaithe sin agus tuairisc a thabhairt ar aon easnamh a thugtar chun suntais,
- tá socruithe tuairiscithe curtha ar bun ar gach leibhéal ar a leagtar cúram maidir le bainistíocht airgeadais, agus
- déanann daoine sinsearacha den lucht bainistíochta athbhreithniú go tráthrialta chomh maith le hathbhreithniú cinn bliana ar thuairiscí feidhmíochta agus ar thuairiscí airgeadais maidir le toradh na feidhmíochta i gcomórtas le buiséid/réamh-mheastacháin.

### **Soláthar**

Deimhním go bhfuil nós imeachta i bhfeidhm ag Oifig Choimisinéir na dTeangacha Oifigiúla ionas go gcinntítear go mbítear ag cloí leis na rialacha agus na treoirlínte maidir le cúrsaí soláthair a chinntiú agus gur chloígh Oifig Choimisinéir na dTeangacha Oifigiúla leis an nós imeachta sin i rith na bliana 2022.

### **Athbhreithniú ar Éifeachtúlacht**

Deimhním go bhfuil nós imeachta ar bun ag Oifig Choimisinéir na dTeangacha Oifigiúla chun monatóireacht a dhéanamh ar éifeachtúlacht an nós imeachta maidir le bainistíocht riosca agus rialú. Tagann monatóireacht agus breithniú Oifig Choimisinéir na dTeangacha Oifigiúla ar éifeachtúlacht an chórais maidir le rialú airgeadais inmheánach faoi anáil obair na n-íniúcháirí inmheánacha agus na n-íniúcháirí seachtracha, faoi scáth an Choiste Iniúcháireachta agus Riosca a dhéanann maoirseacht ar an obair sin, agus faoi choimirce daoine sinsearacha den lucht bainistíochta taobh istigh d’Oifig Choimisinéir na dTeangacha Oifigiúla atá freagrach as an gcreatchóras maidir leis an rialú inmheánach airgeadais a thabhairt chun cinn agus a choinneáil ar siúl.

Deimhním go ndearna mé athbhreithniú bliantúil ar éifeachtúlacht na mbearta rialaithe inmheánaigh i ndáil leis an mbliain 2022 an 19<sup>ú</sup> Nollaig 2022.

### **Saincheisteanna faoin Rialú Inmheánach**

Níor tugadh aon easnamh maidir leis na bearta inmheánacha rialaithe chun suntais i ndáil leis an mbliain 2022 a mbeadh nochtadh ina leith sna ráitis airgeadais de dhíth.

  
 Séamas Ó Concheanainn  
 An Coimisinéir Teanga

20/12/2023  
 Dáta

## Oifig Choimisinéir na dTeangacha Oifigiúla

### RÁITEAS IONCAIM AGUS CAITEACHAIS AGUS CÚLCHISTÍ IONCAIM COINNITHE

*Don bhliain dar chríoch an 31 Nollaig 2022*

	Nóta	2022	2021
		€	€
<b>Ioncam</b>			
Deontas ón Oireachtas	2	1,098,763	881,422
Ioncam Eile		-	-
Glanchistiú iarchurtha le haghaidh pinsean	7(c)	<u>45,000</u>	<u>35,000</u>
		<b>1,143,763</b>	<b>916,422</b>
<b>Caiteachas</b>			
Tuarastal agus liúntais	5	892,631	689,367
Costais taistil		10,314	240
Dímheas	3	19,250	21,277
Stáiseanóireacht		1,827	6,783
Postas & guthán		15,290	13,980
Cíos, cothabháil ríomhairí agus oifige		121,258	92,980
Táillí proifisiúnta & dlí		49,322	23,801
Táille iniúchóireachta		4,800	4,800
Táillí cuntasáochta & eile		5,008	5,775
Fógraíocht		5,447	4,583
Foilseacháin, imeachtaí & poiblíocht		41,146	28,306
Ilghnéitheach		<u>7,741</u>	<u>14,651</u>
		<b>1,174,034</b>	<b>906,543</b>
<b>Farasbarr / (Easnamh) don bhliain</b>		<b>(30,271)</b>	<b>9,879</b>
Aistriú ón / (chuig an) gCuntas Caipitil	4	<u>(979)</u>	<u>(5,834)</u>
Fuilleach tugtha ar aghaidh ag an 1 Eanáir		(3,196)	(7,241)
<b>Fuilleach curtha ar aghaidh ag an 31 Nollaig</b>		<b><u>(34,446)</u></b>	<b><u>(3,196)</u></b>

Baineann gach ioncam agus caiteachas don bhliain le gníomhaíochtaí leanúnacha ag an 31 Nollaig 2022. Áirítear gach gnóthachan agus cailteanas don bhliain sa Ráiteas Ioncaim agus Caiteachais agus Cúlchistí Ioncaim Coinnithe.

Is cuid de na Ráitis Airgeadais seo an Ráiteas ar Shreabhadh Airgid agus Nótaí 1 go dtí 8.

An Coimisinéir Teanga:

  
Séamas Ó Concheanainn

Dáta:

20/12/2023

## Oifig Choimisinéir na dTeangacha Oifigiúla

### RÁITEAS MAIDIR LE hIONCAM CUIMSITHEACH don bhliain dar chríoch an 31 Nollaig 2022

---

	Nóta	2022 €	2021 €
Farasbarr/(Easnamh) don bhliain		(31,250)	4,045
(Caillteanas)/gnóchan ar oibleagáidí sochair scoir		(23,000)	(20,000)
Athrú ar thiomhdí is bun le luach láithreach na n-oibleagáidí sochair scoir		<u>108,000</u>	<u>(38,000)</u>
Gnóthachan/(caillteanas) achtúireach i rith na bliana	7(b)	85,000	(58,000)
Coigeartú ar chistiú sochair scoir iarchurtha		<u>(85,000)</u>	<u>58,000</u>
Ioncam Cuimsitheach Iomlán don bhliain		<u>(31,250)</u>	<u>(4,045)</u>

An Coimisinéir Teanga:

  
Séamas Ó Concheanainn

Date:

20/12/2023

# Oifig Choimisinéir na dTeangacha Oifigiúla

## RÁITEAS AR STAID AIRGEADAIS

Ar an 31 Nollaig 2022

	Nóta	2022	2021
		€	€
<b>Sócmhainní Seasta</b>			
Maoin, fearas agus trealamh	3	65,990	65,011
<b>Sócmhainní Reatha</b>			
Airgead tirim agus coibhéisí airgid thirim		9,470	10,359
Réamhíocaíochtaí		<u>10,973</u>	<u>11,076</u>
		20,443	21,453
<b>Dliteannais Reatha</b> <b>(suimeanna dlite laistigh de bhliain amháin)</b>			
Creidiúnaithe		-	(1,232)
Fabhruithe		<u>(54,889)</u>	<u>(23,399)</u>
		<u>(54,889)</u>	<u>(24,631)</u>
Glansócmhainní/dliteannais Reatha		(34,446)	(3,196)
Oibleagáidí sochair scoir	7(b)	(269,000)	(301,000)
Sócmhainn cistiúcháin sochar scoir iarchurtha 7(c)		269,000	301,000
<b>Iomlán Sócmhainní</b>		<u>31,544</u>	<u>61,815</u>
<b>Léirithe ag</b>			
Cuntas Caipitil	4	65,990	65,011
Cúlchistí ioncaim coinnithe		<u>(34,446)</u>	<u>(3,196)</u>
		<u>31,544</u>	<u>61,815</u>

Is cuid de na Ráitis Airgeadais seo an Ráiteas ar Shreabhadh Airgid agus Nótaí 1 - 8.

An Coimisinéir Teanga:

  
Séamas Ó Concheanainn

Dáta:

20/12/2023

## Oifig Choimisinéir na dTeangacha Oifigiúla

### RÁITEAS AR SHREABHADH AIRGID

*Don bhliain dar chríoch an 31 Nollaig 2022*

	2022 €	2021 €
<b>Sreabhadh Airgid ó Ghníomhaíochtaí Oibriúcháin</b>		
Farasbarr Ioncaim thar Caiteachas	(31,250)	4,045
Aistriú ón / (chuig an) gCuntas Caipitil	979	5,834
Dímheas	19,250	21,277
(Méadú) / laghdú ar réamhíocaíochtaí	103	1,828
Méadú / (laghdú) ar chreidiúnaithe	(1,232)	(703)
Méadú / (laghdú) ar fhabhruithe	<u>31,490</u>	<u>(4,360)</u>
<b>Glansreabhadh Airgid ó Ghníomhaíochtaí Oibriúcháin</b>	<u>19,340</u>	<u>27,921</u>
<b>Sreabhadh Airgid ó Ghníomhaíochtaí Infheistíochta</b>		
Maoin, fearas agus trealamh a ceannaíodh	<u>(20,229)</u>	<u>(27,111)</u>
<b>Glansreabhadh Airgid ó Ghníomhaíochtaí Infheistíochta</b>	<u>(20,229)</u>	<u>(27,111)</u>
<b>Glanmhéadú/(laghdú) ar Airgead Tirim &amp; Coibhéisí Airgid Thirim</b>	(889)	810
Airgead tirim agus coibhéisí airgid thirim ag an 1 Eanáir	<u>10,359</u>	9,549
<b>Airgead tirim agus coibhéisí airgid thirim ag an 31 Nollaig</b>	<u>9,470</u>	<u>10,359</u>

# Oifig Choimisinéir na dTeangacha Oifigiúla

## Nótaí a ghabhann leis na Ráitis Airgeadais

---

### 1. Polasaithe Cuntasafóchta

Tá an bonn cuntasafóchta agus na príomh-pholasaithe chuntasafóchta atá curtha i bhfeidhm ag Oifig Choimisinéir na dTeangacha Oifigiúla sonraithe thíos. Cuireadh i bhfeidhm iad go léir go comhsheasmhach i gcaitheamh na bliana seo agus le linn na bliana seo caite.

#### a) Eolas Ginearálta

Bunaíodh Oifig an Choimisinéara Teanga in 2004 chun tacú leis an gCoimisinéir Teanga a c(h)uid fheidhmeanna faoi Acht na dTeangacha Oifigiúla 2003 a fheidhmiú. Tá leasú déanta ar Acht 2003 le hachtú Acht na dTeangacha Oifigiúla (Leasú) 2021. Is í bunaidhm na reachtaíochta ná a chinntiú go dtiocfaidh feabhas ar chaighdeán agus méadú ar líon na seirbhísí poiblí atá ar fáil i nGaeilge don phobal. Cheap Uachtarán na hÉireann Mícheál D. Ó hUiginn Séamas Ó Concheanainn mar an tríú Coimisinéir Teanga ar an 06 Nollaig 2023. Tháinig sé i gcomharbacht ar Rónán Ó Domhnaill a d'éirigh as a chuid cúraimí i bhFeabhra 2023. Ba é Seán Ó Cuirreáin a bhí ar an gcéad Choimisinéir Teanga agus d'éirigh seisean as a chuid cúraimí ar an 23 Feabhra 2014.

Tá feidhmeanna an Choimisinéara Teanga leagtha amach in Alt 21 den Acht, ina measc:

- faireachán a dhéanamh ar chur i bhfeidhm an Achta
- imscrúduithe a dhéanamh maidir le haon mhainneachtain ag comhlacht poiblí forálacha an Achta a chomhlíonadh
- comhairle a sholáthar don phobal maidir lena gcearta faoin Acht
- comhairle a sholáthar do chomhlachtaí poiblí maidir lena n-oibleagáidí faoin Acht
- imscrúduithe a dhéanamh chun a fháil amach an amhlaidh nach bhfuil aon fhoráil d'aon achtacháin eile a bhaineann le stádas nó húsáid teanga oifigiúla á comhlíonadh

#### b) Ráiteas Comhlíontachta

Ullmhaíodh ráitis airgeadais Oifig Choimisinéir na dTeangacha Oifigiúla don bhliain dar chríoch an 31 Nollaig 2022 de réir FRS 102, an caighdeán tuairiscíochta airgeadais atá infheidhme sa Ríocht Aontaithe agus in Éirinn arna eisiúint ag an gComhairle Tuairiscithe Airgeadais (FRC).

#### c) Bonn an Ullmhúcháin

Ullmhaíodh na ráitis airgeadais faoi choinbhinsiún an chostais stairiúil. Cuireadh na polasaithe cuntasafóchta seo a leanas i bhfeidhm go comhsheasmhach chun déileáil le hábhair a mheastar a bheith ábhartha do ráitis airgeadais Oifig Choimisinéir na dTeangacha Oifigiúla.

#### d) Ioncam

##### Deontas ón Oireachtas

Is gnách go n-áirítear ioncam ar bhonn fabhráithe; eisceacht amháin air seo is ea Deontais ón Oireachtas a áirítear ar bhonn fáltais airgid thirim.

##### Ioncam Eile

Áirítear ioncam eile ar bhonn fabhráithe.

#### e) Féichiúnaithe

Aithnítear féichiúnaithe ag an luach cóir lúide soláthar d'fhiacha amhrasacha. Is soláthar sonrach é an soláthar d'fhiacha amhrasacha, a bhunaítear nuair is ann d'fhianaise oibiachtúil nach mbeidh ar

chumas Oifig Choimisinéir na dTeangacha Oifigiúla na suimeanna ar fad atá dlite di a bhailiú. Aithnítear na gluaiseachtaí sa soláthar d'fhiacha amhrasacha sa Ráiteas Ioncaim agus Caiteachais agus Cúlchistí Ioncaim Choinnithe.

#### **f) Creidiúnaithe**

Rangaítear creidiúnaithe mar chinn reatha más ann go bhfuil siad iníoctha laistigh de bhliain amháin nó níos lú. Mura bhfuil, rangaítear iad mar chreidiúnaithe neamhreatha.

#### **g) Léasanna Oibriúcháin**

Aithnítear caiteachas cíosa atá déanta faoi léasanna oibriúcháin sa Ráiteas Ioncaim agus Caiteachais agus Cúlchistí Ioncaim Choinnithe i gcaitheamh shaolré iomlán an léasa. Aithnítear costas de réir méid chothroim i gcaitheamh thréimhse iomlán an léasa ach amháin má bhíonn arduithe cíosa ceangailte leis an ráta tuartha boilscithe, agus sa chás sin aithnítear arduithe faoi mar a thabhaítear iad. Aon dreasachtaí léasa a fhaightear, aithnítear iad i gcaitheamh shaolré iomlán an léasa.

#### **h) Maoin, Fearas agus Trealamh**

Déantar maoin, fearas agus trealamh a thaispeáint de réir costais lúide dímheas agus aon soláthar i leith lagú. Déantar dímheas ar gach maoin, fearas agus trealamh de réir rátaí a ríomhtar chun a gcostas bunaidh a dhíscríobh ar bhonn líne díri thar a saolré ionchasach, lúide luach iarmharach measta, mar a leanas:

(i)	Fearais agus Feistis	10%
(ii)	Trealamh Ríomhairí agus Oifige	20%

Is ionann luach iarmharach agus an luach a mheastar a gheofaí faoi láthair ar dhiúscairt na sócmhainne, lúide aon chostais diúscartha mheasta, amhail go mbeadh an tsócmhainn cheana féin in aois agus i riocht a mbeifí ag súil leis i ndeireadh a saolré ionchasaí.

Má tá fianaise oibiachtúil ann ar lagú ar luach sócmhainne, áirítear cailteanas lagaithe sa Ráiteas Ioncaim agus Caiteachais agus sna Cúlchistí Ioncaim Choinnithe don bhliain.

#### **i) Pinsin**

Tá an Coimisinéir Teanga reatha ina bhall den Scéim Pinsean Seirbhíse Poiblí Aonair. Íoctar na ranníocaíochtaí pinsin ábhartha leis an Roinn Caiteachais Phoiblí, Seachadta ar an bPlean Forbartha Náisiúnta, agus Athchóirithe. Tá sé deimhnithe ag an Roinn gur as cistí á gcur ar fáil ag an Oireachtas a sásófar aon dliteanais pinsin i gcomhréir le hAlt 44(1)(b) den Acht um Pinsin na Seirbhíse Poiblí (Scéim Aonair agus Forálacha Eile) 2012.

Fuair Oifig Choimisinéir na dTeangacha Oifigiúla luach achtúireach don phinsean sa bhliain 2022. Aithníodh dliteanas pinsin €269,000 sna ráitis airgeadais seo i leith 2022 i gcomhréir leis an luacháil achtúireach a fuarthas. Ba é €301,000 an dliteanas i leith 2021.

Is státseirbhísigh iad comhaltaí foirne Oifig an Choimisinéara Teanga. Is í an Roinn atá i mbunriarachán ar a bpárolla agus is ar an Roinn atá an dliteanas maidir lena bpinsin.

Bunaíodh scéim sochair shainithe don chéad Choimisinéir Teanga sa bhliain 2009 i gcomhréir le hAcht na dTeangacha Oifigiúla, 2003. Is faoin Roinn atá sé dliteanais faoin scéim a íoc.

#### **j) Breithiúnais Shuntasacha Chuntasaíochta agus Meastacháin**

D'fhonn na ráitis airgeadais a ullmhú ní mór don lucht bainistíochta breithiúnais, meastacháin agus boinn tuisceana a dhéanamh a mbíonn tionchar acu ar na suimeanna a thuiriscítear i ndáil le

sócmhainní agus dliteanais amhail dháta an Ráitis ar Staid Airgeadais agus ar na suimeanna a thuiriscítear i ndáil le hioncam agus le caiteachas i gcaitheamh na bliana. Is é nádúr na meastacháin, áfach, go bhféadfadh na torthaí iarbhir a bheith éagsúil leis na meastacháin sin. Is iad na breithiúnais seo a leanas is mó a raibh tionchar acu ar na suimeanna a aithnítear sna ráitis airgeadais.

### Dímheas agus Luachanna Iarmharacha

Tá athbhreithniú déanta ar shaolré agus ar luachanna iarmharacha gach aicme sócmhainne seasta agus go háirithe saolré eacnamaíoch fhóna agus luachanna iarmharacha fearas agus feisteas agus cinneadh go bhfuil saolré sócmhainní agus luachanna iarmharacha iomchuí.

### Soláthairtí

Déanann Oifig Choimisinéir na dTeangacha Oifigiúla soláthar d'oibleagáidí dlí agus inchiallaithe is eol dó a bheith gan íoc ag dáta deireadh na tréimhse. Go ginearálta bíonn na soláthairtí seo bunaithe ar eolas stairiúil nó ábhartha eile, agus é sin leasaithe chun treochtaí reatha a thabhairt san áireamh nuair is cuí sin. Is meastacháin iad, áfach, ar chostais airgeadais a bhaineann le heachtraí nach gá go dtarlódís go ceann roinnt blianta. Dá thoradh sin agus de thoradh neamh-chinnteachta a bhaineann leis na torthaí deiridh, d'fhéadfadh difríocht shuntasach a bheith idir an toradh iarbhir agus an méid a bhí measta. Ní raibh aon soláthairtí in 2022.

## 2. Deontas ón Oireachtas

Chuir an Roinn Turasóireachta, Cultúir, Ealaíon, Gaeltachta, Spóirt agus Meán an maoiniú seo a leanas ar fáil d'Oifig Choimisinéir na dTeangacha Oifigiúla sa tréimhse atá i gceist

	2022 €	2021 €
Deontas d'Oifig Choimisinéir na dTeangacha Oifigiúla	210,276	175,572
Íocaíochtaí a rinneadh thar ceann Oifig Choimisinéir na dTeangacha Oifigiúla	<u>888,487</u>	<u>705,849</u>
	1,098,763	881,421

## 3. Sócmhainní Seasta

2022	Fearas & Feistis €	Trealamh Ríomhairí & Oifige €	Iomlán €
<b>Costas</b>			
Iarmhéid tosaigh ag an 1 Eanáir 2022	180,011	144,569	324,580
Breiseanna i rith 2022	<u>14,245</u>	<u>5,984</u>	<u>20,229</u>
Iarmhéid deiridh ag an 31 Nollaig 2022	<u>194,256</u>	<u>150,553</u>	<u>344,809</u>
<b>Dímheas</b>			
Iarmhéid tosaigh ag an 1 Eanáir 2022	153,250	106,319	259,569
Muirear 2022	<u>4,616</u>	<u>14,634</u>	<u>19,250</u>
Iarmhéid deiridh ag an 31 Nollaig 2022	<u>157,866</u>	<u>120,953</u>	<u>278,819</u>
<b>Glanluach leabhar</b>			
Glanluach de réir na leabhar ag an 31 Nollaig 2022	<u>36,390</u>	<u>29,600</u>	<u>65,990</u>
Glanluach de réir na leabhar ag an 31 Nollaig 2021	<u>26,761</u>	<u>38,250</u>	<u>65,011</u>



2021	Fearas & Feistis €	Trealamh Ríomhairí & Oifige €	Iomlán €
<b>Costas</b>			
Iarmhéid tosaigh ag an 1 Eanáir 2021	167,357	132,509	300,046
Breiseanna i rith 2021	12,474	14,637	27,111
Diúscairtí i rith 2021	(0)	(2,577)	(2,577)
Iarmhéid deiridh ag an 31 Nollaig 2021	180,011	132,509	324,580
<b>Dímheas</b>			
Iarmhéid tosaigh ag an 1 Eanáir 2021	158,058	90,811	240,869
Muirear 2021	3,192	18,085	21,277
Diúscairtí i rith 2021	(0)	(2,578)	(2,578)
Iarmhéid deiridh ag an 31 Nollaig 2021	153,250	106,319	259,569
<b>Glanluach leabhar</b>			
Glanluach de réir na leabhar ag an 31 Nollaig 2021	<u>26,761</u>	<u>38,250</u>	<u>65,011</u>
Glanluach de réir na leabhar ag an 31 Nollaig 2020	<u>17,479</u>	<u>41,698</u>	<u>59,177</u>

#### 4. Cuntas Caipitil

	2022 €	2021 €
<b>Aistriú chuig an gCuntas Ioncaim agus Caiteachais Cistí arna n-úsáid chun Sócmhainní Seasta a cheannach Amúchadh de réir dímheas sócmhainní</b>		
	20,229	27,111
	<u>(19,250)</u>	<u>(21,277)</u>
	<b>979</b>	<b>5,834</b>
Iarmhéid tosaigh ag an 1 Eanáir	<b>65,011</b>	<b>59,177</b>
Iarmhéid deiridh ag an 31 Nollaig	<b>65,990</b>	<b>65,011</b>

#### 5. Tuarastal agus Liúntais

Tá na costais phárolla comhdhéanta de:

	2022 €	2021 €
Tuarastal an Choimisinéara	139,751	133,624
Tuarastal na foirne	622,708	455,832
ÁSPC an fhostóra	68,777	50,645
Sochar scoir	45,000	35,000
Muirear pá saoire	<u>16,394</u>	<u>14,266</u>
	<b><u>892,631</u></b>	<b><u>689,367</u></b>

Nóta 7(a)

Tá an Coimisinéir Teanga ina bhall den Scéim Pinsean Seirbhíse Poiblí Aonair. Tá sé deimhnithe ag an Roinn go sásófar aon dliteanas pinsin faoin scéim, i leith an Choimisinéara, ó chistí a chuirfear ar fáil ón Oireachtas i gcomhréir le hAlt 44(1)(b) den Acht um Pinsin na Seirbhíse Poiblí (Scéim Aonair agus Forálacha Eile) 2012.

Baineadh suim €26,638 (2021 - €19,356) den fhoireann tríd an tobhach pinsin agus íocadh é sin leis an Státchiste.

**(b) Miondealú ar Shochair na bhFostaithe**

Raon sochair iomlána na bhfostaithe		Líon na bhfostaithe	
Ó	Go dtí	2022	2021
€60,000	- €69,999	-	-
€70,000	- €79,999	3	-
€80,000	- €89,999	-	1
€90,000	- €99,999	1	1
€100,000	- €109,999	1	-
€110,000	- €119,999	-	-
€120,000	- €129,999	-	-
€130,000	- €139,999	1	1

**6. Ceangaltais Léasa**

Tá Oifig an Choimisinéara Teanga suite ar an Spidéal in oifigí atá curtha ar fáil ag an Roinn Turasóireachta, Cultúir, Ealaíon, Gaeltachta, Spóirt agus Meán ar chostas bliantúil cíosa €48,019.

Aontaíodh léas nua idir an tiarna talún agus an Roinn don tréimhse ón 2 Meitheamh 2014 go dtí an 1 Márta 2024. Tá an foirgneamh seo curtha ar fáil d'Oifig Choimisinéir na dTeangacha Oifigiúla ar an gcostas iomlán cíosa.

Ar an 31 Nollaig 2022 bhí na ceangaltais seo a leanas ar Oifig Choimisinéir na dTeangacha Oifigiúla i leith an léasa seo:

	€
Iníoctha laistigh de bhliain	48,019
Iníoctha laistigh de thréimhse idir dhá agus cúig bliana	8,003
Iníoctha tar éis cúig bliana	<u>0</u>
	<u>56,022</u>

## 7. Sochair Scoir

Mar a tugadh faoi deara sa bheartas cuntasafóichta, tá an Coimisinéir Teanga ina bhall den Scéim Pinsean Seirbhíse Poiblí Aonair. Tá cuntas tugtha ag Oifig Choimisinéir na dTeangacha Oifigiúla ar na costais phinsin etc. mar atá leagtha amach thíos.

<b>(a) Anailís ar chostais iomlána pinsin arna muirearú ar Chaiteachas</b>	<b>2022</b>	<b>2021</b>
	€	€
Costais seirbhíse reatha	40,000	33,000
Ús ar dhliteanais na scéimeanna pinsean	<u>5,000</u>	<u>2,000</u>
	<b><u>45,000</u></b>	<b><u>35,000</u></b>

<b>(b) Anailís ar ghluaiseacht sa dliteanas i rith na bliana</b>	<b>2022</b>	<b>2021</b>
	€	€
Dlitéanas arna aithint ag an 1 Eanáir	301,000	200,000
Glanchoistais seirbhíse reatha	40,00	33,000
Costais úis	5,000	2,000
Sochair arna n-íoc	-	-
Cailteanas/(gnóchan) achtúireach	(85,000)	58,000
Ranníocaíochtaí fostaithe	<u>8,000</u>	<u>8,000</u>
<b>Oibleagáid sochair shainithe deiridh ag an 31 Nollaig</b>	<b><u>269,000</u></b>	<b><u>200,000</u></b>

### (c) Cistiú iarchurtha le haghaidh Pinsean

Gabhann cistiú suntasach ón Stát le hOifig Choimisinéir na dTeangacha Oifigiúla. Tá sócmhainn aitheanta ag Oifig Choimisinéir na dTeangacha Oifigiúla maidir le Cistiú Pinsean Iarchurtha ar bhonn tacar toimhdí agus roinnt teagmhais éagsúla roimhe seo, lena n-áirítear an bonn reachtúil le bunú na scéime aoisliúntais agus próiseas cistiúcháin bliantúil na Roinne Turasóireachta, Cultúir, Ealaíon, Gaeltachta, Spóirt agus Meán.

Ba é €45,000 an Glanchistiú Iarchurtha le haghaidh Pinsean a aithníodh sa Chuntas Ioncaim agus Caiteachais don bhliain 2022 (2021: €35,000).

B'ionann an tsócmhainn chistiúcháin iarchurtha le haghaidh pinsean ag an 31 Nollaig 2022 agus €269,000 (2021: €301,000). Aithníonn Oifig Choimisinéir na dTeangacha Oifigiúla an tsuim seo mar shócmhainn a fhreagraíonn don dliteanas iarchurtha neamhchistithe i leith pinsean ar bhonn an tacair toimhdí a bhfuil cur síos orthu thuas agus roinnt teagmhais éagsúla roimhe seo. Áirítear ar na teagmhais sin an bonn reachtúil le bunú na Scéime, agus an beartas agus an cleachtas atá i bhfeidhm faoi láthair maidir le pinsin seirbhíse poiblí a chistiú, lena n-áirítear ranníocaíochtaí ó fhostaithe agus próiseas na meastachán bliantúil. Níl aon fhianaise ag Oifig Choimisinéir na dTeangacha Oifigiúla nach leanfaidh an beartas cistiúcháin sin ar aghaidh de réir an chleachtais reatha.

<b>(d) Stair na n-oibleagáidí sochair shainithe</b>	<b>2022</b>	<b>2021</b>
	€	€
Oibleagáid sochair shainithe	269,000	301,000
Cailteanais / (gnóchain) ar dhliteanais na scéime: Méid	23,000	20,000

Is ionann na cailteanais / (gnóchain) mar chéatadán de dhliteanais na scéime agus 8.6% (2021: (6.6%)).

### (e) Cur Síos Ghinearálta ar an Scéim

Tá scéim aoisliúntais sochair shainithe neamhchistithe á feidhmiú ag Oifig Choimisinéir na dTeangacha Oifigiúla don Choimisinéir Teanga. Íoctar teidlíochtaí aoisliúntais faoin scéim as ioncam reatha agus cuirear iad ar an gCuntas Ioncaim agus Caiteachais, glan ó ranniocaíochtaí aoisliúntais fostaithe, sa bhliain a mbíonn siad iníoctha.

Tá na torthaí atá leagtha amach thíos bunaithe ar luacháil achtúireach na ndliteanas pinsin i leith an Choimisinéara Teanga ag an 31 Nollaig 2022. Rinne achtúire neamhspleách cáilithe an luacháil sin chun críocha chaighdeán cuntasáíochta FRS 102. Is é an Coimisinéir Teanga an t-aon bhall amháin den Scéim.

Ba iad seo a leanas na príomhthoimhdí airgeadais a úsáideadh:

	2022	2021
Ráta lascaine	3.50%	1.50%
Ráta méadaithe na dtuarastal	4.10%	3.70%
Arduithe pinsin do shochair atá á n-íoc	-	-
Ráta méadaithe na bpinsean	2.60%	2.20%
Boilsciú	2.60%	2.20%

Léirítear sa tábla thíos an t-ionchas saoil do chomhaltaí a shlánóidh 65 mbliana d'aois in 2022 agus in 2042.

	2022	2042
Fear 65 bliain d'aois	22.1 bl	24.4 bl
Bean 65 bliain d'aois	24.3 bl	26.4 bl

### 8. Eachtraí tar éis an Tréimhse Tuairiscithe

Níl aon eachtraí idir na dáta tuairiscithe agus dáta faomhaithe na ráiteas airgeadais seo le heisiúint a éilíonn coigeartú ar na ráitis airgeadais.

Tá an Coimisinéir Teanga den tuairim, toisc go solathraíonn an eintiteas seirbhís phoiblí atá maoinithe ag airgead atá curtha ar fáil ag an Státchiste, go bhfuil sé cuí na ráitis airgeadais seo a ullmhú ar bhonn gnóthas leantaigh.